


内閣文庫	
番號	漢 5306
冊數	11 ( 1 )
函號	211 9

311 - 9  
1 - 4





大藏一覽集序

淺草文庫

安定郡王 令衿超然居士

一覽集竒特事也工夫甚富雖然立意纂述  
如來出世行位法門其間委曲覩縷爲一劫  
衆廣說葛藤至於把手拖拽人處老婆心坊  
不可具載有爲無爲之事聲沈顯用盡已說  
了不知更下甚麼擺脫常流言語爲此事出  
氣僕初地無根扣道有意無文味義筆頭欲



墮今支提主人道升性義光輝叢林推許見  
屬爲此文事不獲已自甘落草於無功有過  
之地謹爲陳實居士下箇之遠是與支提老  
及陳居士三人共成一火他日未免明眼人  
檢責在紹興丁丑書于衆香園水光軒

大隱居士陳實

此一大事本無字脚俯徇中下之機苟向無  
說中說教海滌漫區區者望涯而返千流萬

派得入者又莫窮源源既未窮那求至寶不  
免作箇方便佛事惣教人人有分去纂五千  
餘卷約爲十卷攝八萬餘門歸以八門其一  
著如來之行狀作夫勝操其二辨教門之究  
竟復指知歸其三則反觀自己出入胞胎其  
四爲有我故有善因有惡緣其五有報應故  
有天堂有地獄其六欲求解脫當假三乘其  
七行滿功圓直登正覺其八立教傳宗始終



一貫凡六十品一擒一縱皆有所自且如布  
施品或施多而福少或施少而福多由心輕  
重固不在物苟不見能施人及無所施物亦  
無受施者了了施無所施是名真施如持戒  
品或上品而降爲下或下品而升爲上由心  
優劣固不在法且凡夫犯而不戒聲聞戒而  
不犯菩薩犯而爲戒了了無戒可戒是名真  
戒窮微攝要品品皆然譬彼百川朝宗于海

試一討而源窮一覽而藏畢到這裏忽遭一  
口吸盡底時始信我黃面老子說中無說



大藏一覽集

門目總類

先王品

因地品

示生品

出家品

成道品

度生品

入滅品

常住品

原道品

教興品

優劣品

究竟品

釋疑品

證驗品

托胎品

五蘊品

煩惱品

以上係  
第一卷

三歸品

十善品

布施品

以上係  
第二卷

持戒品

忍辱品

精進品

禪定品

般若品

以上係  
第三卷

方便品

附願  
力

造像品

浴佛  
造塔

事親品

雜緣品

十惡品

以上係  
第四卷

大藏一覽集

三



懺悔品

臨終品

報應品

以上係  
第五卷

賢劫品

諸天品

四洲品

有情品

地獄品

三災品

劫量品

大千品

以上係  
第六卷

四衆品

入道品

聲聞品

緣覺品

菩薩品

等覺品

以上係  
第七卷

法身品

相好品

神足品

十號品

以上係  
第八卷

教相品

持誦品

唐梵品

以上係  
第九卷

宗眼品

正傳品

旁出品

分派品

散聖品

流通品

以上係  
第十卷

以上十卷計六十品因緣共一千一百八



十有一則

大藏一覽集門目總類

大藏一覽集目錄

寧德優婆塞陳 實 謹編

卷第一

第一門 首標大覺先容俯為衆生作則

凡八品  
十三則

先王品第一 附姓氏三則

混沌天地以開端 乃祖始王之統御

因地品第二 三則



遠窮三大僧祇因 最後一生居補處

示生品第三 一則

爰從兜率降來儀 慶誕毘嵐示色相

出家品第四 一則

四門遊觀忽警悟 中夜逾城驟出家

成道品第五 一則

六載雪山修苦行 一朝道樹悟明星

度生品第六 一則

初自鹿苑轉法輪 後止娑羅遺後囑

入滅品第七 二則

能事既畢入泥洹 舍利以留為佛事

常住品第八 一則

幻來生亦何嘗生 幻去滅亦何嘗滅

第二門 次辯教門究竟庶使學者知歸

凡六品因  
緣二十則

原道品第九 六則



道無彼此元來一 教有權漸方設三

三歸宛爾同三畏 五戒何曾異五常

教興品第十 三則

吾佛下生光及處 此方千載教來時

金容入夢教西傳 舍利呈祥法東振

優劣品第十一 六則

釋梵咸稱三界父 仲尼曾指大聖人

孔老比佛安可對 賢僚辯法為宣明

教分優劣人何信 經藝存亡事可知

究竟品第十二 九則

唯佛究竟一成功 譬金豈復重為鑛

諸夫雖樂非解脫 十仙報盡復輪回

冤家尚作父母想 教法肯生人我心

直入三塗代苦來 惣教一劫成佛去

釋疑品第十三 二則

但知惡吉而善凶 詎識因隨而果應



證驗品第十四 二則

有天福盡投驢腹 非佛誰能脫彼殃

莫恠瞿曇之惡子 爭奈神堯亦有朱

沙門誦經超天界 庾信謗法報龜形

第三門○果於此道可入豈離自己本來三凡

品因緣共六十二則

託化品第十五 二十二則

由三因緣感後有 亦三事合入其胎

既捨此身受彼身 常持善業與惡業

三十八箇七日變 一十九種諸風吹

罵僧闇昧胎淹久 懷兒知慧母聰明

五蘊品第十六 十五則

五蘊色受想行識 四大地水并火風

六根六識合六塵 十有二處十八界

利根即說五有蘊 鈍者廣談十八界

衆生菩薩皆心作 地獄天堂亦彼招



三際求心不可得 隨緣應物豈非無

略起有心而作解 還同在夢以非真

煩惱品第十七 二十五則

貪瞋愚癡三不善 報業煩惱三障因

三毒三漏至七漏 五蓋五欲并七慢

三結五結仍九結 十使十纏并五見

煩惱障與所知障 增上緣并次第緣

無明法性非一異 生死真如豈兩般

若斷身見業不起 既知無我欲何貪

無人無我何生死 空死空生非我人

### 卷第二

第四門○良田善惡二途故使升沈六道

凡一十六品因緣四百一十九則此門義廣分為四卷

三歸品第十八 五則

先自歸依佛法僧 由是修持身口意

天福大盡將猪報 佛授三歸證道因



十善品第十九 二十三則

聞見如來得清淨 修種善根悉不虛

修一善能破百惡 投星火可蕪聚薪

禮佛頓獲五種福 持患能消百八愆

臨難一稱南無佛 隨聲大救滿船人

四方山合王何計 一念檀修自可超

受佛付囑賓頭盧 為世福田檀越供

食有四種持非時 菓及一切聽不聽

雖獻一香一佛所 能遍無量無邊方

五事不懈漸加功 十善圓成無上果

佛尚貫鍼貪少福 人何厭善不勤修

滴善寄佛祝藏之 經劫還渠終不失

畜生念佛皆成道 蛤兒聞法也生天

布施品第二十 七十九則

給孤謀略纔營寺 天界宮成先待渠

阿育曩生因施土 厥功後世報為王



舉家皆福隨人感 往世同食施佛來  
見婦行檀宮殿樂 公姑障施渴飢羸  
婢施一金公主貴 貧捨兩錢止后榮  
三錢布施五里歡 後生伏藏如斯廣  
施一菓多劫無病 施一食七反為天  
施一縷成就菩提 施一燈亦得作佛  
花奉慈尊蒙記荊 草蓋如來證辟支  
採花上佛方途半 偶亡乘善達天中

施寺未住雨為壤 蒙佛曾臨福必然  
人獸佛乞太頻頻 佛告汝福亦數數  
因兄勸施必獲報 開庫望來何太忙  
病僧須肉買俱無 斯那割股誠可切  
若飯凡夫百有眾 不如持戒一善人  
供養無量百千佛 不如無心一道人

施有三法

施食獲五無量福 供僧亦七無盡功



廣施七種梵天福 敬施五人大果功  
施滿呪福晒其虛 示舌覆面言何妄  
施少福多誰肯信 種小樹大我何誣  
鼠雀有侵依我活 慈悲無害施功深  
富貴因乞俱生惱 苦樂良由一念羗  
貧施富慳由夙習 既富無榮悔施愆  
食不出生非佛子 施非隨分豈智人  
愛心擇捨福不廣 弃親著施果尤虧

施有五種為如法 復於五事所不應  
莫謂非理施無益 也從惡趣得優游  
既我無施宜緘口 遮彼行檀自取殃  
貧者雖窮應可施 阿誰無線并麩塵  
天下至難惟有五 困中能施以推先  
不知足雖富而貧 若知足雖貧而富  
財屬五家非我物 慳不散施後生貧  
親與非親應等惠 捨并不捨豈常存



獨輸牧女最先供 復羨純阨末後食  
薩埵投身憂虎餓 達王割肉貿鷹饑  
竭析全軀書一偈 求聞半偈捨全軀  
施雖多而獲福少 施雖少而獲福多  
論其先苦而後樂 復有先樂而後苦  
或有身樂心不樂 或復心樂身不樂  
或施有果而無用 或施有用而無果  
未離欲施生人天 能起悲心成佛道

受者因物以為惡 施人推憫有何愆  
但知不等為平等 那識將兒付與兒  
供養在心不在事 施先論心後論田  
施雖悲田勝敬田 君但心等其福等  
施藏無盡分十門 此義相對復五種  
大施三輪清淨空 一檀具六波羅蜜  
先讚彼施使破慳 後毀此檀令勿著  
施財輪回非解脫 法檀出世永逍遙



行世間檀心顛倒 出世間施聖稱揚  
聲聞雖施終此岸 菩薩行檀始那邊  
迷心利己墮聲聞 達法利他超菩薩  
不惟布施能生福 元來慳怯也招殃  
施法雖是善因緣 爲財翻招惡果報  
修慧無福乾慧貧 修福無慧癡福濁  
財法二施始成功 福慧兩全方作佛

卷第三

第四善惡門之餘

持戒品第二十一 三十八則

菩薩大乘三聚品 梵網十重四八輕

道俗  
並通

第一開導 第二請師 第三歸依三

寶 第四發十大願 第五間七遮

第六請十方三寶證戒 第七懺悔

第八四弘願 第九羯磨 第十受戒



第十一讚戒 第十二回向

優婆塞夷五八戒 比丘僧尼十一條  
戒雖品類有等差 心或優劣無定限  
立制作爲所不應 互檢持犯之有異  
律章輕重有明文 劫數攸長誠可懼  
一月有六持齋戒 四天王衆察人寰  
莫輕半日微齋力 可儲六十萬年糧  
五根無犯一心制 一飲能令五戒虧

戒瓶全則物從生 戒瓶破則物隨失  
持戒遠佛乃常親 破戒親佛而反遠  
比丘遠嗅花餘香 池神剛責渠爲盜  
酒實難持辭五戒 飲之無惡有何愆  
假酒方便飲非犯 發言有益妄無妨  
無心行欲何爲犯 有戒難虧天亦扶  
涓滴油落罪其死 聲色面前誰敢看  
他妻不犯功終易 自室能持行乃圓



夫婦一床分寢寐 始終全戒沒虧違  
見鵝吞珠告恐殺 乍死不言誠護伊  
遭賊剝掠繫草頭 守死不忍斷物命  
至死堅心持佛制 溺流得板讓臘高  
父授箕裘傳殺業 兒臨此境自甘終  
一戒有虧禽所罰 一殺能持魚不傷  
王聽譖言弓射后 后持佛戒箭歸王  
深幸人倫善可作 反傷天樂戒難持

戒不可得安可著 人既無犯亦無持  
既無生死之可免 安有佛戒之可持

忍辱品第二十二 十則

歌利無端揮尺劍 仙人修忍自忘瞋  
頓使難陀折貢高 直感大地為搖動  
修羅奴縛尚不禮 帝釋但笑其愚癡  
衆惡人頭既不售 我禮福田何必遮  
爲何打罵不生瞋 知如影響非實體



安受苦忍非加報 觀察法忍以皆空

附無  
生忍

達我幻身本非有 任他揮劍忍何來

精進品第二十三 八則

浪隨生死骨堆山 要脫輪回力學佛

稱讚出家求正覺 良由精進可辨成

彌勒先修四十劫 釋迦後進一期超

積功因地歷三祇 翹讚底沙超九劫

海杼令枯取失珠 神驚勇銳持還彼

晒他言佛樹下得 譬子云珠篋裏生

耳億苦勤何忒傷 琴絃太急終無調

禪定品第二十四 十則

坐禪儀式要須知 淨觀攝心亦當習

一心禪定能深造 五百車聲絕不聞

定中兀坐真枯木 頂上容巢待產雛

人若一動彼靜慮 罪招五百劫非安



戲言欺罔傳他法 靜坐承當證厥功  
衆生爲何不見佛 古鏡埋塵是觀容  
既心清淨如來現 譬水虛明日月彰  
習坐安可得成佛 駕車欲進在驅牛  
般若品第二十五 三十四則  
末結六度  
明明照見五蘊空 了了能度一切苦  
我佛親從般若生 阿誰道是摩耶子  
何謂法身無德用 應如金寶尚泥封

心有惡塵善可淨 水由象濁珠乃清  
燈光既照暗冥沒 智慧纔生煩惱無  
我斷生兮死自滅 師遙人兮塊自息  
即這般若豈可求 非如金寶力而得  
般若無相雖求難 方便之力應可證  
因棧至岸宜亡棧 於法尚離况非法  
愚智自性本來無 彼此皆空何得捨  
聞空便乃著空無 猶鹽太過傷鹽美



非無人故名曰空 但法自空非色滅  
佛性非色不離色 盲人說象終歸象  
有我無我各一邊 離有離無名中道  
通達諸法畢竟空 是行般若波羅蜜  
色等無二無二分 清淨無別無斷故  
集出經中之名相 直於言下以分踈  
壞色無常相似說 達色本空如實言  
苟捨般若趣餘經 猶棄根本尋枝葉

無一般若力為護 則五波羅魔所侵  
施等如盲前莫達 般若為日以導之  
修般若何惰何勤 由因地或進或退  
持之者獲報殊勝 謗之者墮罪彌深  
揔六度而通福慧 攝三學以利自他  
一持此經六度具 一修道場六度圓  
不修六度道難成 雖行六度相不取  
至此般若六已終 加後方便四為伴



總十波  
羅蜜多

卷第四

第四善惡門之餘

方便品第二十六

附願力智度并隨喜回  
向二十四則一

如來方便老婆心

楊葉暫止嬰兒哭

未聞蓮舌虛言者

但應機緣為說之

雖然在欲不染欲

俯為利生惡趣生

慈悲行欲超多劫

方便殺人越萬生

斷命雖重能除惡

如醫加苦病方寧

化盜聽者斷命根

警毀法者令自出

化端正女以忽死

令貪染者而厭離

入彼外道與同流

化他邪見令歸正

隨順一切世間緣

而行一切出世法

諦觀吾佛示報業

俯作兒孫方便因

雖施不置於善處

非為方便之法門

普賢願海難思議

救脫誓心曷測量



深信力堅莫能摧 真實智明無不瞞

力度  
智度

復論四度之施設 對治十地以熏修

休隨十度生差異 但於一念打圓成

隨喜善根功最勝 回向菩提果更深

隨喜  
回向

罄將我已一毫利 普及冤親一切人

雖則善根元一體 良由回向有千羗

造像品第二十七 二十四則

佛升忉利安居久 王慕尊顏刻像初

若造若修之妙利 乃天乃佛之良因

相不端嚴應有罪 盜將供養且無愆

匠者不應逆取直 佛檀安可互他為

有曾造像心既誠 立報使人目所擊

擬盜像珠身漸聳 退求佛愍首還低

真儀在壁人何許 黃蘗呼名渠便知



因燒木佛遭訶責 既無舍利又何妨  
未審魔徒何識見 也云色像不堪崇  
有無活語千機變 莫把死蛇一樣看  
沐浴如來功德相 普願衆生清淨身  
這箇任從與麼浴 那箇還能可浴麼  
育王作塔功非淺 衆生奉此福無涯  
造塔復壞大魚報 故塔還修天子榮  
因竊塔花瘡遽依 復償牛首體還安

無縫塔樣分明舉 不透玄關蹠過來

事親品第二十八 二十八則

荷擔父母難酬德 敬事天親若若親  
奉養甘旨未爲孝 能勉修心乃報恩  
供母兩錢寶城藥 絕他莖髮火輪殃  
目連哀請援慈母 世尊特為設蘭盆  
生奉甘美得親嘗 死列杯盤徒尚子  
鶴因救子天稱歎 鸚尚瞻親人負慚



責母一言如鹿畜 罰身多世歷渠胎  
母令兒殺罪吾當 兒痛母言非我代  
子雖修善父不善 父假餘麻子忘麻  
女雖福報非干父 穀由雨長豈無恩  
玉耶不循於婦節 如來一誠乃心歸  
以蜎誑姑頭變狗 順妻殺母自傷軀  
莫謂家財皆有分 若背夫兒自取殃  
多見冤從親處起 不生親想冤自無

一切衆生皆父母 坦平心地絕疎親  
父母非親心最親 諸佛非道行合道  
善哉慧母方便父 樂矣法妻真諦兒

雜緣品第二十九 七則

語貧可賣婆非信 授道能修事果然  
佛見伏藏言毒蛇 農聞採歸遭害已  
親於惡友穿魚茅 擇以良朋裹香紙  
象因善惡心隨轉 人從染習理亦然



夢有四種真不真 食有九品世出世

十惡品第三十 謗法罪收 般若品中

三不善根為種子 十善因緣由彼生

五逆殺親無間獄 非法壞僧亦此愆

引喻油 酒媯屠

始自貪瞋分三品 廣及塵勞八萬門

殺亦 三品

避於自殺求無罪 若是令人詎免殃

雖他所制殺難免 若彼樂從罪乃同

不屠但買應同惡 無心令殺誤何憂

氈覆乳兒坐壓死 眼初不顧罪何加

殺生祀祠終無福 貪羶詭祭自招愆

文殊佛會上殺人 盤山肉按頭悟道

既知生命自反射 無下手處業齊消

盜者但貪目前利 阿誰肯顧後來殃

須知媯境大荒迷 能喪衆生一劫知



可憐少女所愛纏 直縛諸天之惡道

羣仙因之神足失 獨角忘於騎頸羞

兩女雖誇端正好 六根不善又何堪

持世拒他將女施 維摩云我在家宜

維摩乃無垢稱

見女態如母如子 在色欲何害何妨

因念媼女夢從事 乃悟諸緣法本空

飲多過失三十六 命盡波吒億萬年

既醉蝦蟆猶沒柰 且道惡龍豈可降

初由淺劣通盃鬻 殆將成熟絕纖毫

禍生於口猶烈火 舌乃鑿身之斧介

罵佛不納反歸身 坐佛逆吹翻汗已

獵人訪獵訪蹤由 見言不見不為犯

有語隨生便隨滅 無主誰罵復誰瞋

何謂漂船羅刹國 正是呼名失色時

豈有殺媼無罪過 作斯邪見陷阿鼻



波離為說增伊病 無垢除疑了性空  
增上慢人斷怒癡 離上慢者何限礙

卷第五

第四善惡門之餘

懺悔品第三十一 十三則

所犯貪瞋癡業障 惟憑佛法僧懺摩  
事懺有依吾佛力 理懺無過我自心  
若不造罪奚須懺 作已能穰即滅除

既獵燒香復何福 以水攪湯可探金  
故作諸愆復求懺 那堪一失又如何  
緣何為善故難成 良由夙障應須懺  
焚軀轉見長無名 悟性本空安有咎  
投祖懇懃求懺悔 覓罪俱無頓已消  
罪性空兮心所生 我心無故罪何有  
臨終品第三十二 二十九則  
臥病可觀佛相好 終時隨念彼方生



何謂鬼邪之所惱 蓋無神物以扶持  
鬼且不能為殺活 人衰乘隙作災祥  
壽量盡即二種死 不平等故九因緣  
生平多惡何無罪 垂終一念大為功  
在時為善必天上 臨終因恚墮地中  
斷命一稱那謨佛 由斯純善往生天  
末後定力既現前 直使中陰而可轉  
惡徒聞死便生驚 善者見亡何有畏

下令上兮乃善終 上令下兮必惡趣  
臨終心識趣後身 不可說一與言異  
佛示促壽令追慕 人命無常在吸呼  
死生既至終難免 天地雖寬豈可逃  
無常殺鬼多冤濫 罪福陰司有秤平  
見亡父就閻王索 父至兒訶此老愚  
追亡功德七獲一 著力修營三七中  
塚塔精魂在彼否 外沈苦樂豈其中



祇是箇兒來又去 誤教五母喜還悲  
子孫弘善餓鬼歌 兒女爲惡好人哭  
一子遭蛇螫以死 五親不顧達無常  
雖具神通那免死 若能放下始無生  
報應品第三十三 四十八則  
善享天人之快樂 惡投鬼畜以非堪  
但推今果驗前因 復以今因明後因  
業分罪福不動因 報有現生并後受

諱愆因發頭頭誓 業熟如言一一償  
殺命祭天天豈祐 業緣化狗狗還食  
相師誑妄求財利 爲鬼飢羸渴水漿  
射者托兒多天命 讚人爲父俱因哀  
讚殺共食欣喜者 生子皆亡痛報之  
以酒施人愚癡報 不孝生兒反噉來  
有母罔言營供設 非兒道力曷除殃  
弟用兄財尚有報 我誣彼物豈無償



坐欠一千成夙債 曾經三反作牛還  
初語代還終爽約 多生成債每來徵  
毀佛醜故翻招醜 罔聖偷來被謗偷  
口曾輕謗師和尚 罪畢還爲賤婢兒  
背義殺熊雙臂斷 忘恩研樹自身忘  
畜尚知恩能厚報 人何負德取深殃  
杖倚佛圖天貴隱 蟻活陰功促壽延  
陰德旣施名可取 持心不二鬼須驚

貪汙天削公侯籍 驅役人冤業畜償  
韓中書祿之預定 孔參軍罪以無荒  
但愛吞他成己業 寧知托子壞其家  
天神反敬前身骨 惡鬼翻鞭舊日尸  
彼此業如終共取 夫妻修異豈同天  
人觀穢惡畜爲淨 業力羌殊見不同  
愚者小愆終大報 智人重業却輕償  
雖救五千藏天際 更沒一箇活盂中



佛既已登無上覺 身尚難逃夙昔愆  
業緣若定不能壞 聖道如何修習成  
任從有業逐緣生 了然無我報自息

卷第六

第五門○天堂延以少歡 地獄待其劇苦

凡八品九十七則

賢劫品第三十四 一則

過去莊嚴已曾壞 迄今賢劫復將成

諸天品第三十五 二十六則

下自空輪至頂天 中央須彌及日月

因緣有十

一二十八天 下增四天 旁出四天

二自然化生 託胎品 中亦明

三正依二報 身分好醜謂之正報 享用豐約謂之依報

四花辨晝夜 五無色應有

六凡聖共居 七天鼓警覺



八五妾相現

九諸天退失

十日月因緣

四洲品第三十六 十三則

內十寶山諸樹林 外大海水四天下

因緣有五

一七種寶山 二三十重林

三海具八德 四世界成立

五四洲風物

有情品第三十七 十七則

四生濕化卵胎中 六道天人鬼獄等

因緣有二

一始托四生 卵胎濕化

二終歸六道

地獄品第三十八 十四則

大小鐵圍山周匝 無量捺落迦滿中

因緣有九



三災品第三十九 五則

小災儉病與刀兵 大變毘嵐并水火

因緣  
有四

劫量品第四十九 九則

草木作籌為大劫 訶麻表數乃中稱

因緣  
有四

三千攝為一佛刹 上下復有異乾坤

因緣  
有七

大千品第四十一 十二則

卷第七

第六門○欲超三界輪回是假三乘修證

凡六品一百  
五十三則

四眾品第四十二 在家二眾優婆塞優婆夷出家二眾比丘僧比

在  
尼○附八部并外  
道五十八則

塵勞迫逐猶牢獄 法門寬廓若虛空

一朝暫掛福田衣 多劫不經諸苦趣



若乃爲僧若受戒 不事神天不受親  
能愛出家并勸者 超於造塔與餘功  
愛道出家初不聽 阿難再請乃方容  
吾佛正法千年久 尼母爲徒減半長  
女雖五礙知本空 佛記多生成正覺  
本無女相如何轉 豈是女流當是觀  
不知佛性成男女 識得家珍女即男  
沙門故以道爲號 長老良由德乃稱

念他粒飯非容易 忖已無功作麼當  
有德萬金何足道 不求四事自然隨  
苟若度人身未度 不獨沈他和我沈  
休求師者長中短 但取泥龍假上真  
比丘聽與二親供 分衛宜知五處遮  
多事苦求無厭足 諸禽因以亦相離  
僧癡俗恠俱無識 生惱成冤自取殃  
無欲分上恚瞋風 清冷雲中霹靂火



持戒辛菜尤成厭 在道邪偷豈可為

附不捨  
遺等

眠狂入定遭行染 初中後樂罪何逃

狂病行欲那為犯 散亂無心亦復然

常住護持猶眼目 衷私輒取失人身

莫謂僧財欺可有 須知闍老不相燒

僧離能合生天樂 僧合令離陷獄憂

護僧不許加刑譴 治者從而獲罪殃

為僧雖聽二親許 作母曾違累世貧

捨后為尼由證果 障爺在俗罰為烏

兒孫反謗吾家法 此輩無慚真闡提

出家雖勝在家者 在家修勝出家兒

身披緇服心猶俗 頭帶烏巾念乃僧

白佛在家何得果 令渠斷結自成功

但發修行正覺心 便是出家苾芻性

菩提苟易紅塵證 來如應不雪山修



由作二因善不善 乃爲八部人非人  
外道妄立從茲始 調達仇酬自尔端  
調達害佛而反傷 暴志加佛而自敗  
調達雖逆陷泥犁 如來復讚爲知識  
波旬幾處作威來 伎倆盡時歸向去  
入道品第四十三 十則  
分別善根三等異 良由種子爾多荒  
剗能一植解脫因 極速三生方入道

隨信行人從聞入 隨法行人乃慧修  
少善爲何能解脫 一心回向證菩提  
戒定慧初離縛結 聞思修後觀門開  
一貫顯宗之全章 備見歷修之有序  
聲聞品第四十四 四十二則

自利修持心狹劣 由他聞悟聲聞乘  
四向四果解脫僧 有學無學賢聖輩  
初二三結雖難解 九十八使尚應除



六欲且非定修地 八智可除煩惱根  
初果七生方羅漢 復劫八萬入菩提  
良為衆生根器異 所以如來廣略談  
四靜慮并四無量 八解脫并八勝處  
第九次第非想定 滅盡及從無想修  
為甚一禪分四種 由生異見許多般  
坐禪念起魔乘隙 斫柱看來體自傷  
羅漢無生猶有退 醜迦七反自殘傷

凡夫致罪刑猶重 聖種同愆責且輕  
止觀明於生滅相 三摩元是等持心  
入聖已離五恐怖 修心能伏四魔怨  
儻知入流無所入 便薦一來無所來

緣覺品第四十五 五則

直能自悟甚深法 不從他教獨覺來  
無明生故諸緣生 無明滅故諸緣滅  
觀彼草太榮還枯 悟自形骸亦復爾



菩薩品第四十六 二十六則

自他兼利悲心重 福慧齊修菩薩乘  
菩提一體成三種 菩薩初心勝二乘  
大小乘分五種異 廣狹道中有速遲  
菩薩辨成如日耀 聲聞所作類螢光  
佛乘究竟唯祇一 如來方便說為三  
莊嚴佛土有多方 譬入大城非一路  
同流同事與相親 入水入泥而啓悟

四念住處四正斷 四如意足五種根  
五力七覺八道支 摠三十七菩提分

從四念  
處至此

次第五位以圓修 由歷三祇之數劫  
餘乘至佛定三祇 圓教初心成正覺  
雖則初心成正覺 宛然似佛始相應  
等覺品第四十七 十一地位 ○ 十二則  
猶迷相數二般愚 未盡無明一分障



何覓普賢身不見 良由普眼位差殊

十定超於十地上 等覺隣於妙覺尊

前雖微障尚為礙 此有金剛可破除

普賢何故不名佛 老婆安得便休心

附摩訶薩

誓首文殊七佛師 為我衆生不取道

附觀音勢至

第八卷

第七門○功成果登正覺相妙用神通

凡四品

法身品第四十八 三十則

三身四智了然明 五眼六通無不具

十八不共三智明 十力四辯四無畏

德徵成佛以何心 舉似阿難為榜樣

會融真妄本來同 研究悟迷何得失

業如膠漆何成道 我達真空可頓消



悉具法身何隱顯 間有盲聾不見聞  
速證菩提唯一念 遠求佛道在三祇  
三乘見佛何差別 異業逢渠自不同  
因有發明稱見道 不無唯證乃方知  
直了一心成道去 奚須八相示修來  
圓覺妙心雖沒體 須知應物以成軀  
菩提雖不身心得 身心若斷菩提離  
他身不離於自身 彼化宛然從我化

影化爰從心感現 原夫豈是彼來迎  
休迷名位生分別 但明凡聖體交參

相好品第四十九 十則

堂堂三十二妙相 赫赫八十種隨形  
佛佛莊嚴諸相好 頭頭皆對夙因招  
足輪履處蟲皆化 身影遮時鴿離驚  
妙音妙相誠難遇 纔覩纔聞益不輕  
真機如實談無相 俗諦權宜舉色身



吾佛元從心上證 時人切忌相邊求

神足品第五十 五則

神力無礙十般通 妙用縱橫十八變

威稜但化下中機 實相應投向上者

祇知變化謂神通 那識作為皆妙用

十號品第五十一 三則

仰惟獨尊十號足 何異一金千器分

佛本無形安可號 兔寧有角可當名

### 卷第九

第八門○四十九年苦口末後一笑收功

凡九品因緣三百五十九則

教相品第五十二

世尊七日作思惟 大梵三勤而請說

揔十二部修多羅 別分三藏經律論

藏師初判作五乘 長者復分為十教

但原觀色之一法 隨機立教有多般



醫王用藥分三品	如來逗教亦復然
因其中道以辭遙	遂設化神令暫息
說諸法相分三種	依他遍計與圓成
語默視瞬皆為說	見聞知覺豈非聽
善哉若有聞法人	由斯無一不成佛
或因惡境接眾生	譬若蓮花開烈日
然佛從來平等法	接物何嘗貴賤分
豈是文殊不知者	俯為眾生故問之

若受如來所說法	甘投火聚願求聞
聽法之人不崇敬	如斯之輩莫與談
按教明心指標月	由文見義色因燈
燈雖顯色見由眼	眼非見性乃由心
依趣於義不依文	依趣於智不依識
攝心歸一魔無便	如龜藏六狗難傷
四相人我壽眾生	四病作止并任滅

附理事障



有爲無爲善巧修 有餘無餘涅槃界  
善財能發菩提心 彌勒稱揚佛種子  
法界觀通大千卷 六相義圓無量門  
但了人空與法空 便達彼岸爲彼岸  
當知實性非空有 未偶斯文墮斷常  
若是真心無滯礙 宛同水性善炎涼  
性空無而且不無 緣會有而終非有  
心滅諸法以皆滅 心生萬境以從生

凡一切法皆佛法 揔萬行門一心門  
了知法法皆平等 自然物物非短長  
無量劫時彈指頃 十方世界一毛中  
玄珠有意定難求 罔象無心而乃得  
求佛不可無念成 證道安可以功得  
雖然迷悟之本同 爭柰時節之有異  
先修後悟功生滅 已悟方修用不虛



爲何言教戒休看 祇恐牛皮遭覷破  
虛空寫處堪逃雨 屋宇俱焚不壞經  
無常大鬼難親近 力士金剛密護持  
非特救夫淹巨浪 也能援子脫深蕃  
滅於佛法愆深重 存乎功德福非輕  
既誦華嚴凡冠聖 因遺盟掌蟻生天  
積功可救眉鬚厄 一偈能停地獄酸  
威靈可以降天敵 俗眼那能辨聖凡

誦持無驗爲如何 種植有虧安可得  
因甚言教益非益 良爲衆生勤不勤  
佛法豈非無果證 善根成熟在他生  
法不受人忘記報 業消誦誓頓明心  
慙愧螺蚌尚知經 可憫最靈蹉過佛  
當知經書即赦書 可免鐵圓并鐵棒  
迷誦千章何所益 洞明一句乃成功  
寶閣無燈曷得知 佛法雖慧莫能了



古者為法喪形軀 今人何幸現公接  
利之至險尚可求 道既在心何難得  
雖然流出大藏教 爭柰元無一字談  
唐梵品第五十四 六十六則  
南無佛阨并菩薩 乃至聲聞八部天  
經具因緣十二分 修證菩提多種門  
涅槃建塔附雜緣 地里時分諸數量

卷第十

第八宗說門之餘

宗眼品第五十五 四則

誓首釋迦大慈悲 不立文字直指示

正傳品第五十六 三十三則

爰自西天四七祖 直至唐土二三師

旁出品第五十七 二十四則

不惟直下祇單傳 爭柰旁人皆有分

分派品第五十八 一百四十八則



南嶽一枝臨濟茂 清源兩派洞雲長

六祖法嗣唯南嶽清源二人兒孫綿  
遠

南嶽十三世

南嶽接馬祖直下分臨濟為仰二  
枝為仰至五代無傳

清原十一世

清原接石頭直下分曹洞雲門法

眼三派法眼至三代流入高麗也

散聖品第五十九 六則

散聖慈悲來世上 語言流落滿人間

流通品第六十 二則

若不傳法度衆生 畢竟無能報恩者

大藏一覽集目錄 終



Faint, illegible text or markings on the left page.

Seal impression in the top left corner of the right page, containing stylized characters.

--	--	--	--	--	--	--	--	--	--

Vertical text on the right edge of the page, possibly a title or index.



